

Ajoqusernermut sillimmasiisarfinnut inatsisitigut qularnaveeqqusiinermut aningaasaateqarfik pillugu inatsisip Kalaallit Nunaannut atuutilernera pillugu peqqussut

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

§ 21 naapertorlugu ajoqusernertut sillimmasiisarfinnut inatsisitigut qularnaveeqqusiinermut aningaasaateqarfik pillugu, takuuk inatsit nalunaarutiniittoq nr. 419 maajip 1-iat 2007-imeersoq naapertorlugu aalajangerneqarpoq, inatsit Kalaallit Nunaannut atuutilissasoq ataani taaneqartutut:

Kapitali 1

Qularnaveeqqusiinermut aningaasaateqarfiup inissisimanagera, siunertaa inatsisillu atorineqarfissaa

§ 1. Ajoqusernertut sillimmasiisarfinnut qularnaveeqqusiinertut aningaasaateqarfik (Fonden) namminersortuuvoq imminut ingerlattoq.

Imm. 2. Fondi § 5 naapertorlugu qularnaveeqqusiinermut akiliissaaq, ajoqusernertut sillimmasiisarfik toqqaannartumik taarsiisartoq, Finanstilsynimit sillimmasiinermik ingerlatsivittut akuerisaasimasooq, akiliisinnaajunnaartutut nalunaarutigineqarpat.

§ 2. Fondip taakku § 1, imm.2-mi taaneqartut Kalaallit Nunaanni Danmarkimilu sillimmasiisarfiit ingerlatsinerat qularnaveeqqusissavai.

Kapitali 2

Akiliisussaataaneq akiliutissallu aalajangersarnera

§ 3. Taakku § 1-imi sillimmasiisarfiit taaneqartut Fondimut ilaasortaassapput akiliuteqartassallutillu.

Imm. 2. Fondip pigisai minnerpaaffeqassapput 300 mio. kr-nik.

Imm. 3. Sillimmasiisarfiit Fondimut akiliinissartik pisussaaffigaat. Finanstilsyni ukiut tamaasa policemut ataatsimut atuisartut sillimmasiisarnerisa iluanni aki sillimmasiisarfiit akilertagaannut aalajangikkamik annertussusiliisarpoq, takuuk imm.6.

Imm. 4. Juulip aallaqqaataa nallertinnagu Finanstilsynip policep ataatsip akia nalunaarutigissavaa, ukiup tullissaanut sillimmasiisarfiit akiuliutissamik naatsorsornissaannut atugassaat.

Imm. 5. Fondi danskit naalagaaffiat qularnaveeqqusiisoralugu atorniarsinnaavoq.

Imm. 6. Finanstilsynip sillimmasiisarfiit Fondimut akiliutissaannik aamma sillimmaseeriaatsit sorliit akiliisussaaffeqarnermi pineqarnerat pillugu malittarisassanik ersarinnerusunik aalajangersaassaaq.

Imm. 7. Økonomi- og erhvervsministeri imm. 2 naapertorlugu Fondip pigisaasa annertussusissaannut piumasaqaammik allanngortitsisinnaavoq.

Imm. 8. (Kalaallit Nunaannut atuutilersinneqanngilaq.)

§ 4. Sillimmasiisoq, Fondip pigisaasa 300 mio.kr-nngornissaasa tungaannut, sillimmasiinnermut isumaqatigiisumminik unitsitsisinnaanngilaq, pissarsiassat taamaallaat Fondimut akiliutitut atorneqartussaasut, annerulernissaat peqqutigalugu.

Imm. 2. Økonomi- og erhvervsministerip periarfissaqarnini atornerluppagu piumasaqarluni Fondip pigisai 300 mio kr.-nit piumasaqaataasunit annerussasut, imm.1 assinganik atorneqassaaq.

Kapitali 3

Qularnaveeqqusiiffiit piumasaqaatillu nalunaarutigineri

§ 5. Fondip taarsiiffiginneqqusissutit qularnaveeqqusissavai, ajoqusernermut sillimmasiisarfiup akiliisinnaajunnaarnerata kinguneranik qularnaveeqquseqqanngitsut, makkununga:

- 1) Sillimasiinikut nammineq pigisaminnut (atuisartut sillimmasiisarneri),
- 2) Pingajuusutut inissisimasut, sillimmasersimasut inuit imaluunniit atortut ajoqusernerinut motorinut akisussaaffeqarnermut sillimmasiinerit malillugit,
- 3) Pingajuusutut inissisimasut, sillimmasersimasut inuit ajoqusernerinut akisussaaffeqarnermut sillimmasiinerit malillugit,
- 4) Ataatsimoorluni sillimmasiinerit, sillimmasiinerup sumut atasuunera apeqqutaalluni annertussusaata inunnut ataasiakkaanut imaqassussaa tunngavigalugu, aammalu
- 5) Illuutit ikuallannermut ajoqusernerannut illuutitut assigiinngitsunut tamanut.

Imm. 2. Fondip taarsiissuteqarfiginneqqusissutit qularnaveeqquteqqanngitsut qularnaveeqqusissavai, sillimmasiisarfiup akiliisinnaajunnaartutut eqqartuusivikkut aalajangerlugu nalunaarutigineqarnera sioqqullugu pisimasut aamma sapaatit akunneri sisamat kingorna aningaasanik paarsisussanngortitap (kurator) akiligassaqaqfigineqartut sillimmasiisarfiup akiliisinnaajunnaarneranik nalunaarfigineraniit, takuuk § 124 Kalaallit Nunaannut akiliisinnaajunnaarnermut inatsisip atuutilernera pillugu peqqussut.

Imm. 3. Fondip pissarsiassat qularnaveeqqusissavai, akiliisinnaajunnaarnerup eqqartuusivikkut aalajangerlugu nalunaarutigineqarnera sioqqullugu akilerneqarsimasut, ajunaaruteqarsinnaanermulli namminneq policemut ataatsimut 1000 kr-mik annaasaqarsinnaassusilinnut (selvrisko).

Imm. 4. (Kalaallit Nunaannut atuutilersinneqanngilaq.)

Imm. 5. Fondip taarsiissuteqarfiginneqqusissutit pissarsiassallu sillimmasiisarfiit pineqartut pisortaasa siulersuisuisalu pissaat qularnaveeqquseqqanngilai.

§ 6. Taarsiissuteqarfiginneqqusissutit, Fondimit qularnaveeqquserneqarnissaat kissaatigineqartut, sulilu sillimmasiisarfiimmut, akiliisinnaajunnaartutut nalunaarutigineqarsimasumut, allatsinneqanngitsut, piaarnerpaamik Fondimut nalunaarutigineqassapput kingusinnerpaamill akiliisinnaajunnaarnerup

eqqartuusivikkut aalajangerlugu nalunaarutigineqarneraniit qaammatit arfinillit kingorna.

Taarsiissuteqarfiginneqqusissutit, sillimmasiisarfinmut akiliisinnaajunnaartutut nalunaarutigineqartumut allatsissimasut, akiliisinnaajunnaarnerup eqqartuusivikkut aalajangerlugu nalunaarutigineqarnera sioqqullugu allatsissimasut, Fondimut nalunaarutigineqarsimasutut isigineqassapput.

Imm. 2. Fondip imm.1-imi killiliussaq taaneqartoq innersuussutigalugu pissaqartumut akiliutissanik tunniussaqarumanngissinnaanngilaq, takuuk § 5, pissaqartumut piffissaagallartillugu taarsiissutit utertillugit tiguinissaannut pisinnaatitaaffeqarnerminik nalunaarutiginnissinnaasimanngitsumut.

Kapitali 4

Fondimit akiliinerit

§ 7. Fondimit akiliinerit piaarnerpaamik pisassapput kingusinnerpaamillu piumasaqaatip nalunaarutigineqarneranit qaammatit pingasut qaangiunneranni. Fondi, piumasaqaatip nalilernissaanut tunniussassallu annertussusissaata aalajangernissaanut, paasissutissanik pisariaqartunik pissarsisinnaasimanngikkuni, immikkoortut 1-ianni piffissaliussap ingerlanerani Fondip sillimmasersimasooq nalunaarfigissavaa, paasissutissat suut Fondip aassariaqarnerai.

Imm. 2. Fondimit qinnuigineqarnerup kinguneranik Finanstilsynip piffissaliussaq imm.1-imi taaneqartoq sivitsorsinnaavaa.

Kapitali 5

Tamanut nalunaarutiginneq

§ 8. Akiliisinnaajunnaarnerup eqqartuusivikkut aalajangerlugu nalunaarutigineqarnerata kingorna piaarnerpaamik Finanstilsyni Atuagagdliutit/Grønlandspostenikkut makkuninnga nalunaaruteqassaaq:

- 1) Sillimmasiisarfiup akiliisinnaajunnaarnera,
- 2) Sillimmasiinerit qularnaveeqqutaasa atorunnaarnerat,
- 3) Inatsisit tunngavigalugit sillimmasernissat piumasaqaatitallit nutarterneri aamma sillimmasiinerit taakkununga assersuunneqarsinnaasut, aammalu
- 4) Fondimut taarsiissutiginneqqusissutininik nalunaarnerit, takuuk § 6, imm.1, aamma nalunaarutiginninnerit sumut ingerlatinneqassanersut.

Imm. 2. Paarsisussanngortitap (kurator) nalunaarummi tassani, pissaqartumut nassiunneqartumi § 124, imm.1 naapertorlugu, Kalaallit Nunaannut akiliisinnaajunnaarnermut inatsisip atuutilernera pillugu peqqussummi, sillimmasiisut ajutoorsimasullu makku pillugit paasitissavai:

- 1) Fondip pissarsiassat utertillugit akilissagai, ajunaaruteqarsinnaanermullu namminneq policemut ataatsimut 1000 kr-mik annaasaqarsinnaassusillit (selvrisiko) akiliisinnaajunnaartumut nalunaarutigineqarnissaat, takuuk § 5, imm. 3,
- 2) Fondip taarsiissutigeqqusat akiliisinnaajunnaarnerup eqqartuusivikkut aalajangerlugu nalunaarutigineqarnissaa sioqqullugu nalunaarutigneqarsimasut taarsiissutitai akilissavai, takuuk § 6, imm.1, immikkoortut 2-at,
- 3) Taarsiissutiginneqqusissutit nalunaarutigineqarnissaat § 6, imm.1, immikkoortut 1-iat malillugu, aamma
- 4) Fondip najugaqarfia, taarsiissutininik piumasaqarnermi nalunaariartorfissaq.

Kapitali 6

Taarsiiffiginneqqusissutit (Regres)

§ 9. Fondi ilanngutissaaq, qularnaveeqqusiisimanermi annertussusaa naapertorlugu, sillimasiissutitik tiguisussap imaluunniit sillimmasersimasup sillimasiisarfimmut akiliisinnaajunnaarnikumut piunasaqaataannut.

Imm. 2. Aningaasat, akiliisinnaajunnaarnikup sillimmaseqqinnerani qularnaveeqqusiinermut atasut, Fondip piunasaqaataanut qularnaveequtitut atorineqassapput, Fondi taarsiissutitik akileereerpat, sillimasiisarfiit sillimasiiffigineqaaqqittut akiliutaaneersunik. Piunasaqaalli illuartinneqassaaq pisassanut taaneqartunut §§ 93 aamma 94-imi Kalaallit Nunaannut akiliisinnaajunnaarnermut inatsisip atuutilernera pillugu peqqussummi, pisassat akiliisinnaajunnaarnikup pigisaanit allanit akilernerqarsinnaannginnerata annertussusaa apeqqutaalluni.

Kapitali 7

Fondip aqutsisui allaffissorneralu

§ 10. Fondi aqunneqassaaq siulersuisunit tallimanik ilaasortaqtumit, økonomi- og erhvervsministerimit toqqarneqarsimasunit. Ilaasortat sinniisussallu ukiunut pingasunut qinigaasassapput.

Imm. 2. Siulersuisunut ilaasortat inatsisinit, sillimasiinerit teknikkertaanut naatsorsuusereriaatsinullu ilisimaqartuussapput.

Imm. 3. Siulittaasumut imaluunniit siulittaasup tullianut toqqarneqarsinnaanngillat inuit, sillimasiisarfimmut ima attuumassuteqartigisut imaluunniit aqunneqarneranut ima akuutigisut, taassuma Fondillu aqunneranni soqutigisat aporaassinnaannerat pilersinnaalluni.

Imm. 4. Aalajangiinerit pisassapput nalinginnasumik amerlanerussuteqarnikkut.

§ 11. Fondip malittarisassai siulersuisullu suliaasa aaqqissorsimanerat (forretningsorden) Finanstilsynimit akuersissutigineqassapput.

Imm. 2. Malittarisassat naatsorsuutit kukkunersiuerillu tunniunnerannut aalajangersakkanik imaqaassapput.

§ 11 a. Fondip pigisai ersarinnerusumik Fondip Danmarks Nationalbankillu akornanni isumaqatigiissuteqarnerup kingorna Danmarks Nationalbankimut paarisassanngorlugit ikineqassapput.

§ 12. Siulersuisut pisariaqartitaminnik ikiortissarsiussapput ullorsiuutillu ukiuata qaangiunnerata kingorna qaammatit pingasut qaangiutsinnagit Fondip ingerlatsinera pillugu ukiumut tassunga naatsorsuutitik nalunaarusiamillu Finanstilsynimut tunniussissapput.

§ 13. Fondip allaffissorneranut aningaasartuutit Fondimit akilernerqassapput.

Imm. 2. Fondi Finanstilsynimut akitsuummik akiliisassaaq. Akitsuut aningaasarsiornikkut ingerlatsiviit pillugit inatsimmi kapitali 22 malillugu aalajangerneqartassaaq.

§ 14. Fondip Finanzstilsyni ilisimatissavaa, sillimmasiisarfiup Fondimut ilaasortatut suliasatut pisussaaffimi eqquutiniissaat suliarinnippagit.

Imm. 2. Finanzstilsynip sillimmasiisarfiup ingerlatsinissaminut akuersissutaa utertissinnaavaa, sillimmasiisarfiup peqqussummi malittarisassat malinnippagit, malittarisassat peqqussummi imaluunniit Fondip malittarisassiaani sananeqarnikusut.

Imm. 3. Sillimmasiisarfiit ukiumut naatsorsuutit tunniunnerinut atatillugu, akiliutit akilernerqarsimasut eqqortumik naatsorneqarsimanerat pillugu, kukkunersiuisumit naalagaaffimmit akuerisaasimasumit imaluunniit nalunaarsorneqarsimasumit nalunaarut ilanngullugu Fondimut nassiutissavaa.

Imm. 4. Imm.3 apequtaatinnagu sillimmasiisarfik, ukiumoortumik qularnaveeqqusiinermut aningaasaateqarfimmut akiuliutip annertussusaata 50.000 kr.-t qaangeqqanngippassuk, taamaallaat sillimmasiisarfiup akisussaasuullutik aqutsisuinit akiliutit akilernerqarsimanerat eqqortumillu naatsorneqarsimanerat pillugu nalunaarummik Fondimut nassitsisinnaapput,.

Kapitali 8

Nakkutilliineq

§ 15. Finanzstilsynip Fondi nakkutigissavaa. Finanzstilsynip Fondillu pisariaqartut nalilernerqarpat sillimmasiisarfinnit pineqartunit paasissutissat tamaasa piumasarisinnaavaat qulakkeerniarlugu, peqqussutip malittarisassai, malittarisassat peqqussut naapertorlugu sananeqarsimasut aamma Fondip malittarisassaani aalajangersakkat malinneqarnerat.

Imm. 2. Kalaallit Nunaannut aningaasarsionermik ingerlatsiviit pillugit inatsisitigut atuutilernera pillugu peqqussummi § 354-i assinganik Finanzstilsynip una peqqussut malillugu nakkutilliineranut atuuppoq. Fondi Finanzstilsynimut naleqqiullugu kisimi aappaasutut inissisimasutut isigineqarpoq.

Kapitali 9

Paasissutissanik ingerlatitseqqittarneq

§ 16. Fondip siulersuisuinut ilaasortat, kukkunersiuisut, pisortat sulisullu allat, sulinerminnut atatillugu paasissutissat ilisimasaqarfigilersimasatik, pissutissaqartigatik ingerlateqqeqqusaanngilaat imaluunniit paasissutissat avammut ingerlateqqusaanngitsut atornerloqqusaanngilaat.

Kapitali 10

Naammagittaalliorsinnaaneq

§ 17. Akiliutit tunniunneqartussat pillugit Fondip aalajangigai Ankenævnet for Forsikringimut tunniunneqarsinnaapput, aalajangiinerup pineqartumut nalunaarutigineqarneraniit kingusinnerpaamik qaammatit pingasut qaangiunneranni.

Kapitali 11

Iliuserisimasanut kinguneqartitsinermut aalajangersakkat

§ 18. Unioqqutitsinerit Kalaallit Nunaannut pinerluttulerinermut inatsit malillugu

iliuuseqarfigineqartassapput, imaaliortumut

1) paasissutissanik imaluunniit paatsoorsaarutitik tunniussinermit imaluunniit nalunaarutiginninnermi, naatsorsuinermit imaluunniit taarsiissutigeqqusat akilerneqarneranni paasissutissanik oqaatiginninnginnermi,

2) Finanstilsyni imaluunniit Fondi § 15 naapertorlugu paasissutissanik piumasarisaanik tunniussinnginneq imaluunniit allatut paasissutissanik Fondip nakkutilliineranut atorneqartussanik paatsoortitsiniutitik tunniussinermit imaluunniit

3) § 16 –imut akertilusumik paasissutissanik allanut ingerlateqqeqqusaanngitsunik atornerluineq pissutissaqaraniluunniit allanut ingerlatitseqqinneq.

Imm. 2. Assinganik, sillimasiisarfik, Fondimut ilaasortatut pisussaaffimminik eqquutitsinngitsoq assinganik pillarneqarluni iliuseqarfigineqassaaq.

Imm. 3. Unioqqutitsinerit, aktieselskabinit piliarineqartut, akiliisussanngortinneqarsinnaapput selskabip akisussaaffigisaanik.

Kapitali 12

Atuutilerneranut aalajangersakkat il.il.

§ 19. Peqqussut atuutilerpoq juulip 1-iat 2008.

§ 20. (Kalaallit Nunaannut atuutilersinneqanngilaq.)

§ 21. (Kalaallit Nunaannut atuutilersinneqanngilaq.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

